

先朝私記

院

第

先朝私

冊數


著者

赤松渡

出所刊行明治九年十一月



リ 5
9004



門リ8
號 9004
卷

明治九年十一月新刊

赤松渡著

先朝私記

書肆 奎章堂藏



漢系敦厚詩教也



規子歲不易年於吾友志和
士方驗之士可與年回潘寸

先朝私記

長于筆最妙詩其為秀
潤清綺活穠味美詩之資
性然性之資詩之資人
實如詩也只是古重而德職為

顯宦及博學人為外友以事
敦厚和柔以事之人大
稱之况已解職復事文翰
者有不史名曰先朝系記

存子家，閱之，以平
心之，為萬勸懲，以之，海
內，豈小補，云爾，乎，前歲，寺
東游，河全，何，兵，臨，別，卦，有

詩，送，之，曰，進，輔，邦，宗，世，美
書，英雄，生，也，文，定，何，如，今，是
時，至，有，感，士，可，之，能，復，年，云，而
浣，年，配，之，不，深，也，已，乃，叙

明治壬子十月浪華修家

東濱森澤恒撰



屈池鳴舟也



先朝私記

讚岐

赤松 渡 輯
久保 直躬 校

孝明天皇諱統仁仁孝天皇第四子也嫡母新朔平
門院藤原祺子關白政通女親母新待賢門院藤原
雅子贈左大臣實光女天保二年六月十四日降誕
稱熙宮十一年三月十四日立為皇太子○弘化四
年九月二十三日即位時年十六關白太政大臣政
通左大臣齋信右大臣尚忠內大臣忠熙並如故○

三月謚先帝曰仁孝天皇。○四日葬仁孝天皇于泉
涌寺。○四月二日關東大雷三日大風雨雹重可七
錢。○五月四條火延燒民舍八百戶。○江戶大水。○
閏五月十日和宮生仁孝天皇遺腹之皇女母新與
待局中納言實久女。○二十五日亞墨利加華盛頓
船長皮篤兒帶領大艦二隻吏卒千餘人至相州浦
賀上書乞互市幕府命掃部頭井伊直亮肥後守松
平容敬大和守松平齋典下總守松平忠國及加賀
守大久保忠愨丹後守米倉昌壽彈正忠保科忠丞
安藝守酒井忠嗣兵部少輔稻葉正巳等發兵各守
備海岸。○六月十六日乃根河大水。○二十一日新
清和門院崩壽六十八後桃園天皇女光格天皇中
宮也。○七月五日大風雨乃根河決流溺數千人。○
八月二日幕府以中務大輔木多忠民爲寺社奉行。
○十一月二日夜大阪大火延燒四千九百餘戶。○
遠江守伊達宗城中務大輔有馬慶賴叙從四位任
侍從大膳大夫伊達宗德亦叙從四位。○四年三月
十四日尊准后藤原氏爲皇太后號新朔平門院。○

二十四日夜信州地大震累日不歇遍地決裂所在發火而沸騰濁水人畜死傷不知幾萬時會善光寺開扉四方男女蝟集成群其死傷者名里驗認而上吏籍二千八百人此時犀川之上流山峻崩拆壅填溪谷終涵畜而成巨浸方可四五里丹波島下方乾涸不見涓滴松平伊賀守眞田信濃守發役徒五千人疏濬濬治云○九月廿三日天皇行即位禮○十月十三日新朔平門院崩○十二月大膳大夫松平慶親任少將兵部大輔松平慶憲左兵衛督松平信和式部大輔松平定成並任侍從叙從四位越前守丹羽長國亦叙從四位○嘉永元年二月改元○幕府以大和守久世廣周爲西城老中○四月關白太政大臣政通上表辭職不允○左衛門尉酒井忠發叙從四位任侍從○十日幕府世子右大將家祥之夫人薨○十月幕府以西城老中和泉守松平兼全爲老中大阪城代伊賀守松平忠優亦爲老中○十一月二十一日行大嘗會○十二月七日左大臣尙忠女夙子叙從三位○十五日從三位藤原夙子兼

輦車入內、十六日爲女御、時年十六。○美濃守松平齋溥進從四位少將、老中伊賀守松平忠優進從四位侍從。○二年二月、老中大和守久世廣周叙從四位、任侍從。○三月十八日、大將軍家慶田獵、下總小金原扈從十四萬餘人。○四月三日、幕府以攝津守本田資功爲寺社奉行。○十八日、大將軍家慶觀角抵於江戸、吹上第。○閏四月、老中以下諸有司臨昌平、饗召諸儒、發海防時務之兩策、各令對問、以洋夷幢幢、跳梁邊徼、海氛不熄也。○五月八日、旁令天下具陳海防策略、筒井紀伊守、江川太郎左衛門等上策者衆。○英吉利闖入相州浦賀、又抄畧豆州下田、大島之地方。○鎮西大水、與羽寒凍、禾稼不登、時氣失序、或雷電、或飛霜。○七月、幕府命左衛門尉五島盛成、松前爲吉崇、廣新營鑿城池、備不虞、以二家封疆懸隔於大洋中、緩急難應援也。○八月八日、江戶大雷雨、海道諸州大水、函關絕行三日、時府下米價踊貴、海山兩道群盜白日劫掠、行旅驛舍騷然。○九月、幕府大申防海之令。○越中守松平定猷叙從

四位任侍從左京大夫小笠原忠徵亦進從四位侍從○三年二月五日江戶半藏門外失火多燒候伯之邸第○二月二十七日生母藤原雅子准三宮號曰新待賢門院○三月二十三日大將軍家慶臨昌平蠻○夷船七八隻出沒房州邊海○八月八日江戶大雷○紀伊守内藤信親進從四位○幕府以寺社奉行采女正土屋寅直爲大坂城代叙從四位○十二月尾張參議慶恕水戶參議慶篤並任中納言攝津守松平義比左京大夫丹羽長富並進從四位侍從相模守松平慶德越中守津輕順兼亦進從四位侍從大膳大夫奧平昌服采女正戶田氏正並進從四位○江戶增防火隊名新組先是以淺草馬喰町所在屢火也○琉球使入貢幕府○四年三月十五日勅贈正一位于故民部卿兼造宮大夫和氣清磨追謚護王大明神遣神祇少副十部長祥於南都披讀詔命藏位記東大寺其文曰贈正三位民部卿和氣朝臣清磨爲人義烈仕朝忠誠忘身直言全皇緒之功詳于國史追思其舊勲今宜崇護王大明神

授正一位、令作宣命位記、左中辨藤原朝臣恭光傳
宣權中納言源朝臣建通宣、○十月、德川慶福進從
三位中將、○十二月、所司代若挾守酒井忠義罷職、
爲溜間格、更修理大夫、以寺社奉行淡路守脇阪安
宅爲所司代、進從四位侍從、以西城老中久世大和
守爲老中、越前守松平慶永進正四位中將、美濃守
南部利剛進從四位侍從、○五年五月二十二日、寅
牌、江戸西城火、○六月、加賀之豪商錢屋五平私互
市鄂羅斯、因籍沒其產、誅五平及二子家宰、金澤家
人連坐賜死者十餘人、○今夏近畿南海大旱、○老
中伊勢守阿部正弘以功勞秩加萬石、○七月二十
日、大風雨、乃根河決、二十一日、二十二日、畿甸大水
毀損三條五條諸橋、○八月十三日、三備美作大水
二十二日、阿波紀伊大水、○九月二十二日、皇子祐
宮生母權典侍局藤原慶子、大納言忠能女、○十一
月、江戸城中紅葉山火、○十二月、筑前守松平慶寧
進正四位中將、薩摩守松平齋彬、阿波守松平齋裕
並進從四位中將、肥後守松平容保進從四位少將、

土佐守松平豐信、下野守松平慶贊、並進從四位侍從。○今年大阪道頓堀戲場災。○六年二月、關東地震、函根山崩、壓死三十餘人、小田原城亦頽圯。○十七日、江戶西城成。○五月七日、女御藤原氏准后宣下。○六月三日、亞墨利加合衆國大統領斐謨美辣達、其船長波理、領大艦四隻、吏卒三百人、入浦賀、呈書幕府、掃部頭井伊直弼、卒、兵士千二百人、松平誠丸典則、卒、兵士七百人、鎮岸港、肥後守松平容保、軍艦百三十五隻、下總守松平忠國、軍艦七十五隻、亦衛海灣、旣而使者回、槎咬啣吧、期明年七月來得、答書、十二日、飛帆而去、此時府下洶洶、吏民疑懼、騷擾大甚。○七月三日、幕府命水戶前中納言齋昭、商畧外國事宜、齋昭錄海防愚存、舉不可和之十策、示阿部伊勢守、大會列藩、視墨夷書簡、各令陳意見、於是肥前守松平齋正、越中守細川齋護、大膳大夫松平慶親、薩摩守松平齋彬、越前守松平慶永等以下、交章疏通、好之不可請責、渠無禮斷然拒絕、而恢復我邦固有之義氣、下洗當今偷惰之弊習。○七月十九

日、鄂羅斯國主、令其重臣子也利羅德、領大艦四雙、卒六百五十人、入長崎港、呈書幕府、冀貿易互市、美濃守松平齋溥、肥前守松平齋正、各將兵士、衛長崎街港、丹後守大村純熙、壹岐守松浦瑾、左衛門尉五島盛成、主殿頭松平忠精、越中守細川齋護以下、各警邊海。○二十日、征夷大將軍從一位左大臣兼左近衛大將德川家慶薨、贈正一位太政大臣、世子右大將源家祥繼立、改名家定。○是月、長星見西北隅、狀如爐烟直上。○九月、西城老中紀伊守內藤信親爲老中。○十一月、阿部伊勢守等建議築三大砲臺於品川海中。○十二月五日、鄂羅斯使臣布恬廷復入長崎、請回答、往復論辯數次、幕府終不允。○七年正月八日、鄂羅斯使臣布恬廷受復書、而回棧。○二十一日、出羽守松平定安、雅樂頭酒井忠顯、飛彈守立花鑑寬、並進從四位侍從。○幕府命長崎滯在之蘭夷獻蒸氣船十隻、約明年夏獻六隻。○先是造五兩金、民間以爲不便、期明年十月、令交上、又更鑄一銖銀。○安政元年正月、幕府遣讚岐守松平賴胤入

朝謝襲職○十一日、合衆國使臣波理衛廉士領軍艦六雙入浦賀、請回荅伊澤美作守、井戶對馬守、同四鎮諸將守備海灣、大學頭林樵、民部少輔鴉殿長銳等、膺幕府命、接待外使○二月朔、外使等以浦賀潮迅而難碇泊、請移駐本牧橫濱、因命加賀越前以下十四藩嚴備沿海、而設假館于橫濱、饗請外使○讚岐守松平賴胤進正四位、陸奧守松平慶邦進從四位中將、內藏頭松平慶政進從四位少將○三月六日、禁內失火、延燒都下二百四十餘街、公卿第宅寺院市廛焚蕩略盡、天皇潛幸加茂、尋駐蹕聖護院幕府、命井伊掃部頭酒井若挾守松平時之助等鎮護輦下○二十五日、林大學頭等與外使復會橫濱、終約兩國和好、明日波理獻火輪車、浮浪艇、電理機、日影像、耕農具等之土物、無幾回棹下田、幕府命了僊寺館外使、且就玉泉寺之傍、與外客墳墓地○四月十一日、天皇移鑾輿於神泉苑、公卿以下騎馬扈從○五月七日、石州及防州雨雹○六月十五日、畿甸地震○七月二十三日、英吉利使臣入長崎港、援

墨使准下之例、請修條約、長崎奉行水野筑後守、目付永井岩之丞等、會議而聽、調理薪水舟楫、且駐泊長崎箱館兩港。○八月、淡路守脇坂安宅、奉勅新製大砲、天皇御行宮前庭、獻覽之、窮問其運送使用之法。○十一月五日、南海地大震、旬日不已、土州特甚、地陷成海、死亡無算。○十二月三日、佛郎西使船二隻、送三河漂民三名、始入浦賀港。○十四日、改元安政。○下總守松平忠國、進從四位少將、右京大夫、佐竹義睦、大和守松平直候、右近將監松平武聰、並進從四位侍從、大隅守津輕承祐、叙從四位。○相州大山焚。○二年正月、修造皇宮。○六月二日、老中阿部伊勢守加封萬石。○石州、龜、鮑、殘、傷、禾、稼。○十二月二日夜、關東地大震、江戶大甚、死者十餘萬、毀傷者不詳、其幾十萬、每車、捆、載、數、人、之、骸、屍、輸、郊、野、晨、夜、不、已、風、物、蕭、索、殆、如、清、野。○十一月、皇宮成。○二十三日、天皇回鑾。○十二月、加賀參議齋藤進中納言、○三年四月二十五日、水戶家人結城寅壽、賜死、太田丹波守、削邑、休致、十河祐元、處斬、其黨藤田主膳、

近藤儀大夫小山田小四郎大森彌三左衛門削邑屏居其餘十數人或解任奪俸或降調先是結城太田爲國老有罪褫職禁錮因陰誘大森金八郎根本新八郎等唱和流言而離間中納言父子再請連枝輔導圖已專國權故也○初鑄二分判金○浚治京師鳴川○七月合衆國使臣巴留理士齋其國主書翰來援慶長中葡萄牙上謁之例請面謁大將軍而告重大之事故○八月阿部伊勢守等定議將准下外使館舍之請因命老中堀田備中守若年寄本多越中守大目附跡部甲斐守土岐丹波守勘定奉行松平河內守川路左衛門尉水野筑後守目付岩瀨修理大久保右近將監勘定吟味役塚越藤助中村爲彌商略擬定外國事宜○二十四日遣岩瀨修理于豆州下田監視墨館營作之事務○二十五日三遠以東猛風暴兩海潮逆上墻屋蕩壞江戸深川本所瀕江之地殊甚芝口四谷所在火起死亾十餘萬人○九月晦日執政連署遣書所司代脇坂淡路守外使館舍之處置邪教禁遏等具託傳奏奉之○十

一月遣吏大坂相沿海要區監炮臺築作之事○十
二月阿波守松平齋裕叙正四位相摸守松平慶德
彈正大弼上杉齋憲兵部大輔松平慶憲並任少將
○今年諸州豐穰○四年二月二十九日左大臣忠
熈取薩摩守松平齋彬女爲養女而嫁大將軍德川
家定○三月荷蘭國上蒸氣船於幕府号觀光丸遣
讚岐塩飽島民五十八名就彼講舟楫運用之方○
四月出羽守松平定安任少將○大坂川口始置兩
鎮命松平讚岐守松平出羽守遣番頭足輕頭以下
一員之將領駐劄之○鑄鍊錢于松前以布蝦夷各
箱館通寶不許內地交換○七月朔阿讚備暴風洪
水○十二日老中從四位侍從伊勢守安部正弘卒
以備中守堀田正篤爲首相所司代脇坂淡路守爲
老中寺社奉行中務大輔本多忠民爲所司代尋進
從四位侍從○八月二十五日山陽西海地大震○
合衆國大統領皮兒設其領事官頓遷土齋書來請
議定貿易條款於是備中守堀田正篤傳幕府命大
會列藩群臣諭告外使許入城有覲禮之旨趣列藩

多不兼諾者、水戶前中納言齋昭深憂之、遣使京師、
上言曰、洋夷覬覦神州、久蓄狡謀、今託貿易和好、將
釀國家無量之禍、幕府諸官無斷無識、徒怖彼恐嚇、
務順適其意、一時偷安、應接過寬、遂受驕傲無禮之
言、覦然不自愧、令犬羊之屬逞無饜之欲、神州未曾
有之大辱也、伏願具論其來由、嚴勅幕府、宜峻絕外
交、○十月和泉守松平兼全、伊賀守松平忠優、復爲
老中、○先是備前守牧野忠雅免職、○十七日、佛郎
西船長至大島登岸、○十月二十二日、墨使謁見大
將軍、進書翰、此日諸藩群臣悉登江戶城、各列其班、
○十二月四日、墨使具錄款條、上請貿易開港等、堀
田備中守取捨審定、將允下之、以不可專斷、遣大學
頭林樵、津田半三郎、正路於京師、奏聞外使、應接之
顛末、及萬國締交時勢不得已之狀情、請權宜行事、且
祈請開港、勅准詔命、○掃部頭井伊直弼、三河守松
平慶倫、並任中將、右京大夫佐竹義就、進從四位侍
從、飛彈守松平利、信濃守真田幸教、並叙從四位、
○五年正月、備中守堀田正篤入京、請開市、准許、○

大坂道頓壕火○二月十日夜、江戸大火、延燒十二萬四千五百四十餘戶○十四日、又火○大藩諸侯遣使京師、論奏洋夷譎詐、和交有鉅患者衆○堀田備中守、淹留數月、屢求開市、勅准不聽、陰誘牀鷹司殿下、通贈賄於公卿群司、強要天裁、天皇聰明玄淵、深洞鑑其僭妄、徧詔諸王百官、詢謨審議、尊融法親王、左大臣忠熙、右大臣輔熙、內大臣實萬、大納言聰長、大納言忠能、以下非藏人、北面衛士等、八十餘人、皆陳非其長策、天皇躬絕供御、齋戒七日、默禱石清水廟、召堀田備中守於小御所、有詔不聽開市○四月、老中等相議、以掃部頭井伊直弼爲大老○二十五日、大老招內外列藩於幕府、大老老中陪侍、而喻勅詔、令具陳意見○五月、幕府報書合衆國、緩條約調印之期○六月四日、東本願寺火、延燒七條五條○六日、江戸大雷雨、震五十三所、海道諸州大水○幾甸比陸鎮西霖潦不止、多傷禾苗○十日、勅大納言公純祈伊勢大廟○十六日、墨船入神奈川港、鄂船亦陸續而到、時有英佛諸蕃軍艦數百、雙盤桓于南

洋中觀望我盟約之成否欲決和戰于一舉之巷說物情恟恟幕府倉惶不待勅旨欲條款調印於是中納言尾張慶恕中納言水戶慶篤中納言田安慶賴中將一橋慶喜越前守松平慶永等一齊造幕府執謁大將軍因病不得謁招大老以下諸有司詰問曰未獲勅准而訂盟修好則是大將軍廢詔命僭君上之罪不可免且不省東照大猷二公以來列世之成憲墜地乎井伊掃部頭等唯唯敬服無幾遣井上信濃守岩瀨肥後守于神奈川會議墨夷載書締交於是堀田備中守等連署奏夷勢倔強列藩章疏無聞覆奏其和盟實出於不得已也○天皇逆鱗召左大臣忠烈右大臣輔熙以下定議及二十九日有勅令三家大老之中一人入京○二十一日所司代本多美濃守忠民免職以若挾守酒井忠義爲所司代○松平出羽守松平讚岐守撤大坂鎮營屯京師郊外橋本塚原捍衛輦轂藤堂和泉守護伊勢大廟兼應援京師諸口松平越中守亦屯京師郊外又命松平相摸守松平内藏頭松平土佐守松平大膳大夫立

花飛彈守鎮守大阪諸口及攝津和泉各港同大阪
城代土屋采女正協議掌事○堀田備中守正篤松
平伊豆守忠優並褫職太田道醇資始下總守間部
詮勝和泉守松平兼全等復爲老中○二十五日紀
伊中將慶福爲大將軍家定之義嗣入江戸城留住
尋移西城任參議更名家茂初大將軍家定多病而
無子堀田備中守在京日天皇遣議奏官喻告宜撰
立有望之人至此執政等私議建儲越前中將等以
紀伊中將尙幼屬意一橋中將與井伊掃部頭劇論
苦爭于城中終不得克云○七月洋夷闖入品川砲
泊炮臺○關白藤原政通罷職左大臣藤原尙忠代
之○八月七日左大臣忠熙等奉聖旨下特勅於幕
府會同大老群臣及親藩外鎮而審定覆奏洋夷之
處置其翌八日征夷大將軍正二位內大臣右近衛
大將源家定薨年三十八贈正一位○此月中旬彗
星昏見西方不知長幾十度其狀曲頭闊尾光鋸燦
爛逐夜南且東至九月上旬特大且明至中旬漸漸
縮小終沒南方此時海內大疫暴瀉而死者幾萬人

呼爲虎狼痢。○九月尾張中將德川茂德進從三位宰相。○下總守間部詮勝再入京師嚴監視禁省出入沙汰驛舍留寓專敷張恩威以抑折正議志士命若校守酒井忠義豐後守內藤正繩設關四郊晨夜巡邏嚴糾督察遊客行旅僧徒巫祝。○十二月朔日參議源家茂任征夷大將軍進內大臣。○正二位大納言忠房正二位大納言齋敬傳奏官廣橋光成萬里小路正房等以勅使准后使東下。○逮捕水戶家人鶴飼吉右衛門等數人及親王攝家清華之家宰諸大夫數十人街儒市民百餘人送江戶禁囚于松平飛彈守榑原式部大輔小笠原右近將監阿部伊豫守加藤出羽守等之各邸。○左京大夫丹羽長國遠江守伊達宗德並進侍從。○二十七日太閤政通辭准三宮及隨身兵仗優詔准三宮如故前左大臣忠熙前右大臣輔熙前內大臣實萬並奏請致仕。○六年正月九日雅樂頭酒井忠顯彈正大弼宮原義周奉幕命使於京師謝大將軍襲職也。○時內外牧伯懷尊王攘夷之志者以觸忤權門勢家或致仕自

晦或見迫而代襲○三月二十三日壽萬宮生母衛
門內侍司藤原紀子前中納言康親女○四月大閣
政通落飾号拙山○五月前左大臣忠熙前右大臣
輔熙內大臣實萬並落飾蓋以乖違幕府之意旨也
○六月十二日與英吉利締條約於是諸蕃絡繹麇
至神奈川海畔○先是水戶士民愬幕政之不平騷
擾多年至是相起南上百千成群欲嘆訴幕府中納
言慶篤遣吏卒制止之衆民不得已會集長岡不敢
歸鄉里○七月十日與魯西亞締條約○二十五日
關東大風雨多漂蕩田宅○二十七日有人刃殺鄂
人於神奈川權場去幕府大索之不獲○老中太田
道醇資始辭職○八月二十六日與佛蘭西締條約
○二十七日左兵衛督松平信和隼人正成瀨正肥
傳幕府使水戶邸云前中納言齋昭雖爲國家建白
以策畧不用憤之直奏所見於天朝讒誣幕府政體
而懇祈綸旨惑亂人心及有幕嗣議令家人竊赴京
師周旋商量假令齋昭不知之其平素用心不正之
所致也終釀公武確執國家大事今且以特旨恩赦

蟄居水戶。○水戶家人備前守中山信篤、安島帶刀、芳根伊豫之助、鵜飼吉右衛門、同奉吉、鮎澤伊太夫、鷹司家人、小林民部權少輔、近衛家婢、村岡街、儒池、內大學等、或斬流、或禁錮。○九月朔日、尾張參議茂德、進中納言。○令軍艦奉行筑後守水野忠德、兼掌外國事務。○美濃守本多忠民、使日光山、告將軍之代襲。○十月七日、山科出雲守若松木工權頭伊丹藏人山口勘解由、有栖川宮家人飯田左馬、高橋兵部權大輔、鷹司家人三國大學一條家人入江雅樂頭、三條家人丹羽豐前守、森寺因幡守、其子若狹守、富田織部、久我家人春日讚岐守、小普請大沼又三郎、松平越前守家人飯泉春堂、其子喜內、橋本左內、京師浪人賴三樹三郎、宇喜田一齋、其子松庵、蒲市正、其餘市民男婦併壯餘人、或斬流、或監禁。○十七日、江戶城火。○二十七日、幕吏藤田忠藏、岩木常助、水戶家人大竹儀兵衛、高松家人長谷川宗右衛門、其子速水長門浪人吉田虎次郎、薩摩家人日下部善之進、阿部十次郎家人勝野森之助、其子保三郎、宇和島家

人吉見長左衛門岡野土佐守家人寬兼三古賀謹
一郎家人藤森恭助其他水戶士民男婦若干或斬
流或禁錮其餘致仕退職者多○十一月幕府側用
人水野出羽守忠寬叙從四位○十二月尊融法親
王辭寺務退隱稱獅子王院時年三十六○紀伊參
議茂承進中納言陸奥守松平慶邦叙正四位大膳
大夫松平慶親叙從四位肥前守松平齋正任中將
中務太輔有馬慶賴任少將○萬延元年正月以若
年寄對馬守安藤信行爲老中○十九日遣淡路守
村垣範正豐前守新見正興等於亞墨利駕合衆國
○二月三日水戶家人高橋多一郎關鉄之助等七
人亡命去國至十八日去者接踵監吏不能遏○三
月三日大雪寒甚先是水戶士民四十餘人竊扮商
賈入江戶其徒赴京師者八人餘分二隊此日昧爽
會合愛宕山皆野服襪襖埋伏郭內二所辰牌大老
井伊掃部頭將赴城中會覘其過外櫻田松平大隅
守邸前發銃爲號一群十七人大關和七郎森五六
郎森山繁之助黑澤忠三郎杉山彌一郎佐野竹之

助齋藤監物廣岡千代次郎山口辰之助蓮田市五
郎鯉淵要人廣木松之助稻田金藏增子清三郎關
新藏海渡先之助岡部三十郎併薩摩家人有村次
左衛門爲十八人突起揮刀縱橫鏖戰殺傷數十人
徑狙擊其肩輿既而其徒九人自訴越中守細川齋
護中務太輔脇阪安宅郎由是脇坂中務太輔鞠問
一次併囚之細川氏於是紀伊守內藤信親傳幕命
小田原桑名會津庄內四藩戒嚴備變又使郡山佐
倉二家同爲之警此日井伊掃部頭上言幕府途遭
賊匪犯駕督衆逐捕擊殺一人餘悉逃亡臣亦蒙創
還邸保畜云幕府遣酒井右京亮藥師寺筑前守于
井伊氏與魚糖慰問創痕明日與朝鮮人參井伊家
宰岡本半助相馬隼人連署而表家人之意旨請得
大關以下欲詰問其緣故○七日又遣酒井右京亮
于井伊氏與魚糖問患狀且云曩昔之變家人輩痛
恨可想也然而罪犯之徒將從重拷治置法有日勿
必勞心矣汝元勲華胄曩任重寄精誠奉上憂勤職
事將軍所深依賴焉豈懷私憾遺公義哉但家人輩

不察大旨之所嚮、或相煽動、以招禍亂、不可測也、今且爲國家忍詬、慰喻鎮撫、以待後命、○八日、逮繫大關以下於松平、稠松、本多主膳正、稻葉伊豫守、堀丹波守、田村磐次郎等之各邸、○十日、命內藤若狹守、大久保喜右衛門、豐田藤之進、太田運八郎等、各卒其與力同心、巡邏府內、檢索浮浪姦細、○十八日、改元萬延、宣中務省、遵故事、而布告天下、○二十一日、松平伯耆守、久貝因幡守、池田播磨守、山口丹波守、駒井山城守、案驗大關以下、至此七次、遂欲以井伊直弼生存處、犯駕科、大關以下抗言、刺殺大老、罵詈不屈、因又不窮訊、○閏三月朔日、大和守久世廣周、復爲老中、斑松平和泉守次、○六日、松平和泉守、移病辭本城監工、久世大和守代之、使內藤紀伊守爲副、○十七日、安藤對馬守信行、叙從四位、○晦日、大老從四位上中將掃部頭井伊直弼卒、○四月三日、與合衆國締條約、○八日、和泉守松平乘全、移病罷老中、○此月、葡萄芽至神奈川、請條約、○六月、老中安藤對馬守信行、任侍從、本多美濃守忠民爲老中、

○神奈川互市後鄂英諸夷恣意遊涉或携兒女遊觀四郊或乞遵騎馳騁府下鄉勇土民等憤恨之遂白日挺刃傷殘其遵騎所司逮捕不能獲嘗有一土兵殺畧外人而亾夜深抵島津氏邸詐稱與平氏使閣人開門其徒數十人陸續闖入終潛匿邸內○春夏之交霖潦不歇麥朽腐下民困飢米價貴甚及八九月一斛米價至二百錢餘○七月十一日暴風雨阿波讚岐漂蕩瀕海之田廬○三河及近江大水琵琶湖暴漲○水戶前中納言齋昭在國疾日革中納言慶篤乞暇馳還侍養焉○八月越中守細川慶順進少將掃部頭井伊直憲超進從四位少將時以爲異數○二十六日從三位水戶前中納言德川齋昭薨年六十一○十月九日橫濱火○十一月親子內親王降嫁大將軍德川家茂○二年正月十五日老中對馬守安藤信行將赴城中外國奉行織部正堀利賢家人三島三平豐原邦之助細谷忠齋吉野敬助淺野儀助相馬千之助內田萬之助等昧伏坂下門外揮刀直迫其肩輿扈從家人縱橫防戰殺傷數

人信行亦蒙微創云。○三月十日與葡萄芽締條約。○四月九日橫濱火。○島津和泉久光將赴江戶至播州姬路時田中河內介平野次郎飯居勘平大谷雄作青山賴母橋本輕藏原陸太鶴田陶司酒井傳次郎荒卷三郎中垣槍太郎安積五郎小河彌右衛門田邊傳一郎貝賀宮門夏川惇平廣瀨友之進矢野勘三郎喜入攝津川上式部關山糺小林將監川上彦助有馬新七橋口莊助田川譚助山田十兵衛柴山愛次郎弟子丸籠助西田直五郎伊牟田尙平森山新五左衛門山本四郎加屋榮太竹下能男轟武兵衛野澤勘四郎村松省三森玉彦宇野賢藏堀譚之助等要和泉訴曰癸丑年以來幕府謬國體親外夷將開互市于浪華塚兵庫之三港如此則往往變被髮左衽之俗將奉夷狄之正朔因先攘在京之幕吏解縉紳之幽閉奉鳳輦于函根勅七道諸藩欲亂幕府之罪君其爲天下盡力焉十一日和泉率其數十人而至城州伏見。○先是伏見奉行肥後守林忠文聞有此舉也馳使京師告所司代若挾守酒井

忠義忠義愕然即集在京之幕吏告之曰島津和泉
卒草莽無賴之徒將襲京師宜作防禦之策且因傳
奏廣橋光成坊城俊克等奏曰假令草莽之徒有唱
暴戾之說莫惱宸襟臣等指揮諸警衛之兵不日可
誅伐之時京師物情恟恟○十六日島津和泉入京
師在京之幕吏馳羽檄于江戶老中相謀則託大將
軍婚姻之慶賀解尾張中納言一橋刑部卿松平春
嶽松平容堂等之禁錮又遣使京師解青蓮院法親
王鷹司前關白近衛左大臣鷹司右大臣等之幽閉

○五月勅島津和泉曰方今勤王誰有如汝者朕之
有汝猶後醍醐天皇有備後三郎因賜名稱三郎○
二十八日夜水戶家人有賀半次木村新八郎古川
主馬助小堀定吉山崎信之助中山定助石井金次
郎等襲江戶高輪東禪寺外國之假館郡山藩衛之
憤勵防戰殺傷相當○五月二十一日遣正三位左
衛門督重德于江戶島津三郎從焉○先是大膳大
夫松平齋親發江戶歸長門途過京師勅衛京師○
六月十二日以左大臣藤原忠濟爲關白獅子王院

法親王再住青蓮院、贈故內大臣實萬右大臣、故水戶中納言齋昭、大約言○七月十五日夜、有星流西南、不知其數幾千萬○幽閉少將千種有文、少將岩倉具視、中務太輔富小路敬直等○二十日夜、有人梟首九條家人島田左兵衛權大尉于四條磧、蓋同彥根藩長野主膳、讒勤王之縉紳、故草莽有志士斬戮之也○彗星見西北、至八月中浣不見○老中大和守久世廣周、紀伊守內藤信忠、對馬守安藤信行等罷○八月二十二日、左衛門督重德發江戶、先是島津三郎發江戶、過武州生麥村時、英人馳馬侵其先驅、即命先驅之士斬之○閏八月六日、大原重德歸京師、天皇賞其功、賜直衣、島津三郎亦賜寶刀○二十二日、島津三郎發京師歸薩摩○土佐守松平豐範至京師、於是勅豐範同心薩長二藩、而盡力國家事務○九月朔、縊殺文吉者於三條磧○二十四日、梟首町奉行屬吏渡邊金三郎、森孫六、大河原十藏于粟田口、文吉以下、金三郎等、亦島田左兵衛權大尉之徒也○以戶田越前守忠恕、家人間瀨和七郎、叙

從五位稱戶田大和守爲御陵奉行。○十月十二日、遣中納言實養少將公知于江戶、土佐守松平豐範亦從焉。○修理大夫島津茂久獻米一萬石。○十二月、大將軍家茂奏削掃部頭井伊直憲封十萬石、刑其家人長野主膳。○削紀伊守內藤信思下總守間部詮實若挾守酒井忠義等封各一萬石、禁錮焉。大和守久世廣周對馬守安藤信行備中守堀田正睦入道見山伯耆守松平宗秀和泉守松平乘全中務太輔脇坂楫水左京大夫水野忠寬等或禁錮或削封。○二十三日少將肥後守松平容保爲守護職至京師。○三年正月四日有人斬池內大學于大阪梟其首難波橋。○五日一橋中納言德川慶喜入京小笠原圖書頭岡部駿河守戶澤勘七郎等從焉。○十一日熊本家人轟武兵衛萩家人久阪玄瑞寺島忠三郎至關白左大臣忠熈第請聞攘夷之期。○二十四日左大臣忠熈辭關白右大臣輔熈代之。○二月勅青蓮院法親王還俗稱中川宮。○阿波守松平齋裕獻馬十匹。○二十二日草莽之士斬足利尊氏義

詮義滿三將軍木像之首梟于三條磧肥後守松平
容保之邏卒捕縛其黨三輪田綱一郎長澤誠平大
場匡平長尾幾三郎山田綱夫諸岡節齋宮和田雄
太郎建部建一郎青柳健之助斬高松起之助仙石
佐太雄○肥後守松平容保募草莽之士号新徴組
○三月四日大將軍德川家茂至京師入二條城扈
從三千餘人是日遣中納言光愛伊勢祭主大中臣
教忠奉幣于大廟○七日大將軍家茂參内獻御劍
一口鞍馬一匹及黄金其餘諸物品○十一日天皇
幸下上鴨廟○少將松平春嶽不告而歸國○布告
天下以五月十日爲攘夷之期命諸侯伯警衛京師
○四月十一日天皇幸男山廟此日將賜大將軍攘
夷之節刀託病不扈從因代大將軍欲賜中納言一
橋慶喜亦以病辭之○以尾張中納言慶恕爲將軍
輔佐職以少將鍋島閑叟爲文武總裁職以待從酒
井忠績爲大老格○二十一日大將軍家茂發京師
入浪華城○二十三日大將軍巡覽攝州海岸○二
十九日大將軍歸京師○一橋中納言慶喜奉鎖港

之詔歸江戶幕府有司相議乃以書喻各國外夷曰
邦內人心不好外交因奉天皇之詔將鎖港云云外
夷等大憤怒之諸有司恐之百方慰喻出金再請和
云中納言慶喜奏曰臣奉鎖港之聖詔東歸江戶大
小有司等不肯奉詔且臣亦不察關東情實與宇內
形勢事終至此進退維谷不堪恐慌敢待罪闕下伏
願免臣職朝議沸騰人人罵幕吏之因循大將軍請
東歸而誅拒詔之姦吏遂攘夷之成功不許○老中
小笠原圖書頭疑大將軍家茂東歸之遲卒兵士數
百人駕火艦至浪華欲奪大將軍而歸江戶五月七
日至伏見聞京師物情囂然逃歸浪華大將軍奏禱
其官爵○九日大將軍發京師歸浪華十三日駕火
艦歸江戶○十日墨夷之船一雙過長門國馬關長
州士卒砲擊之是爲攘夷之先鋒○十九日夜少將
姊小路公知退朝過朔平門有賊三人刃之從者金
輪勇狼狽而逃去此夜少將遂卒年二十五天皇憐
其忠誠贈參議中將其臣吉村右京亦有黃金之賜
云○二十三日夷舶又過馬關復擊之六月朔外夷

終大舉來襲長州之兵大敗績、夷虜乘勝上陸、而放
火民屋、此日至五日大戰云、○十六日、遣監察使正
親町少將公董于長州、○遣小栗長門守于江戶、蓋
促攘夷之斷也、○英夷卒軍艦八隻、至薩州鹿兒島
曰、去年八月殺我士官于武州生麥村、宜出償金三
萬島津氏答曰、彼無禮故我殺之、豈可出償金乎、二
十八日曉、英夷來迫、此日風雨晦冥、各所砲臺砲丸
亂發、終日苦戰、夷燒我集成館、我亦碎彼艦、船將二
人死之、○朝廷賜書薩長二藩、賞其戰功、而幕府未
有攘夷令、諸藩有志之士、至京師、請天皇之親征者、
絡繹不絕、○十九日、大將軍獻米十五萬苞、○二十
六日夜、東山高臺寺災、○七月五日、天皇覽會津米
澤鳥取各藩軍粧、練于大內、肥後守松平容保、有
軍袍鞍馬之賜、○十四日、天皇大會、縉紳諸侯、議攘
夷親征、先是中山侍從忠光、藤本津之助、松本讓三
郎、吉村寅太郎、池藤太吉、吉田十藏、那須真吉、酒井
傳次郎、尾崎次郎、安藤嘉助、安積五郎、牧岡鳩平、小
川佐吉、伴林六郎、伊藤三彌、穴戶彌四郎、森下儀之

助其子幾馬、前田繁馬、澁谷伊豫作、尾崎備五郎、荒卷半三郎、中垣槍太郎、鶴田陶司、保母建田所、騰三郎、楠見清馬、岡見富次郎、乾十郎、大澤逸平、竹林八郎等稱攘夷親征、姦吏征伐之先鋒。至和州五條、襲殺代官鈴木源內及屬吏長谷川泰次以下五人、奪彈藥糧食。○十八日曉、禁內發炮一聲、中川宮及二條右大臣、近衛左大臣、德大寺內大臣等入朝、自餘縉紳不許入朝、守護職松平容保所司代稻葉長門守令在京諸藩之兵入衛皇宮、毛利讚岐守、吉川監物、益田右衛門介、卒菽藩兵將入禁內、九門晝閉不許入衛、毛利讚岐守等直至關白忠熙及中納言實養策問事故、皆無知其由。此時吉川監物從中納言實美、至關白忠熙第、招集國事關係諸縉紳、而欲議事。近衛左大臣、二條右大臣、德大寺內大臣等在禁內、下令議奏國事關係諸員曰、左祖菽藩信其異說、殊至攘夷親征之事、則矯飾聖詔、欲強施行之。蔑上之罪、不可容於天地焉。因先幽中納言實養于其第、禁他人出入、以中納言實愛、大納言忠能、大納言實愛、宰

相中將公誠爲議奏以大納言實德中納言重胤左
大辨長順爲准議奏○勅柳原中納言召關白忠熙
命款藩免堺門之警衛此夜毛利讚岐守等誘三條
中納言實美三條西中納言季知東園中將基敬東
久世少將通禧四條侍從隆訶錦小路右馬頭賴德
壬生修理大夫基修澤主水正宣嘉之七卿至妙法
院宮既而奉之發京師歸長州○十九日勅三條中
納言實養入朝既已不在朝議以犯禁之罪解七卿
之官爵○中山侍從忠光等在和州五條聞京師之
變相謀曰京師形勢變遷如此然則不日應有幕府
之征討焉束手而就死乎二十六日曉中山忠光卒
死士三百人圍和州高取城城主植村駿河守擊退
之既而命和歌山津彥根之各藩討之未能奏功更
命金澤藩協力各藩討之藤本津之助松本謙三郎
吉村寅太郎那須真吾穴戶彌四郎前田繁馬林兵
四郎楠目靜馬等死之自餘就縛者多而池內藏太
枚岡鳩平大澤逸平等從中山忠光赴長州云學習
院學士平野次郎奉命赴和州將鎮撫途聞京師之

變欲強訴七卿之復職、萩藩之無辜、直至長州、誘澤
宜嘉、募三島三平、川股才一郎、田中軍太郎、本多素
行、吉村右京、長曾我部太七郎、木村愛之助、太田六
右衛門、黑田與一郎、三牧藤藏、南八郎、戶原卯橘、白
石廉作、小田村信一、伊藤三郎、下瀨猛彦、大川藤藏、
肥田左衛門、久留新三郎、長野勝助、西村清太郎、和
田小傳次、井關秀太郎、大村辰之助、多田彌太郎等、
十月十一日、襲但州生野、命姬路龍野豐岡出石宮
津柏原園部蜂山田邊之各藩、征討之、南八郎等募
土民四百餘人、據森塩村、妙見山、各藩合兵圍之、土
民亦倒戈而討之、十月十四日、南八郎、久留新三郎、
肥田左衛門、和田小傳次、西村清太郎、伊藤三郎、白
石廉作、戶原卯橘、下瀨猛彦、井關秀三郎、小田村信
一、長野勝助、屠腹而死、自餘或死或就縛、而澤宜嘉
不知所之、○此日下令諸藩、曰、凡攘夷之期、宜受幕
府之指揮、不許輕舉暴發、慷慨之士聞之、不堪忿怒、
絡繹赴長州、○先是九月十三日、幕府以備前守牧
野忠恭再爲老中、以中川宮任彈正尹、稱尹宮、鷹司

前右大臣輔熙辭關白、二條右大臣齋敬代之。○二十四日大阪火。○二十五日、一橋中納言慶喜至京師館本願寺。○十二月十三日、與獨逸締條約。○二十四日、島津修理大夫駕火船過長州下關。長州之兵認爲外夷、炮擊之、幸而得逸。○元治元年正月十五日、大將軍奉勅至京師、入二條城、以大將軍家茂任右大臣、大使就二條城拜之、以松平春嶽任大藏大輔、島津三郎賞積年勤勞、且盡力德川氏、叙從四位、任少將、兼大隅守、列諸侯。○二十一日、大將軍入朝。○廿七日又入朝。○天皇賞修神武天皇陵之功、以大將軍叙從一位、肥後守松平容保辭守護職、同日爲陸軍總裁、以中將松平慶永爲守護職、以大和守松平直克爲總裁職、以町奉行永井主水正爲大目附。○兩三條家人、河野能登守、丹羽出羽守、以兩卿歎奏之書、發長州、將至京師、縛之、伏水下獄。○二十八日、斬去年和州暴舉之徒安積五郎等十九人于京師獄中。○二月、改元元治。○四月八日、以陸軍總裁肥後守松平容保再爲守護職、水戶中納言紀

伊中納言、並叙正三位、松平大藏大輔、叙正四位、任
宰相、并伊掃部頭、任中將、松平、越中守、任少將、尾張
前大納言、叙正二位、松平阿波守、松平陸奥守、松平
相摸守、松平閑叟、松平美濃守、並任宰相、南部美濃
守、有馬中務大輔、並任中將、藤堂大學頭、松平下野
守、佐竹右京大夫、並任中將、松平容堂、叙從四位、任
中將、中川修理大夫、叙從四位、松平淡路守、任少將、
○五月七日、大將軍發京師、入浪華城、十七日、駕火
船歸江戶、一橋中納言、越前宰相、尙在京師、○草莽
之士、官部鼎藏等、潛匿京師、命守護職所司代西奉
行等之屬吏及新撰組、捕之、○水戶家人、林忠次郎、
江幡貞七郎、斬一橋家人平岡團四郎、岡田新太郎、
于三條一橋中納言旅館之門外、而林江幡等、屠腹
其傍而死、○萩藩去年八月、已來數雖訴三條實養
等、及宰相父子之冤、而未有報、本藩及草莽之士、將
欲清君側之奸、而歎奏天朝、乃以國老福原越後元
儻爲將、六月十九日、發防州三田尻港、二十一日、達
浪華、二十三日、溯淀江、上天王山陣寶寺、而福原越

後、別卒兵士入伏見京橋之藩邸、一橋中納言得山崎橋本伏水等之報、入朝奏之、朝議紛紛、物情恟恟、二十七日、天王山之總督森鬼太郎以鎮天龍寺屯集藩士之暴舉爲名、卒兵士三百餘人、軍粧赴天龍寺、肥後守松平容保、越中守松平定敬、長門守稻葉正邦等、發兵衛禁內、且飛羽檄報近畿諸藩、○七月水戸家人武田耕雲齋、田丸稻右衛門等、作亂、據筑波山、○二日、一橋中納言奉勅遣大目附永井主水正戶川鋒三郎于伏水、菽藩邸曰、其藩雖有歎奏之事故、焉用軍粧入畿乎、先速逐嵯峨山崎之兵、而後宜奏上事故、福原越後答曰、聞在京之藩士集天龍寺、而既有歎奏之議也、憂有僨暴之舉、遣森鬼太郎等、而豫鎮撫之也、如軍粧赴之、則去年以來、盪藩士民、決心攘夷、去太平虛飾之弊、平常務用戰鬥便利之具、故也、而國司信濃曾根竹兵衛、內藤清兵衛、重留作十郎等、亦至天龍寺、○十一日、有人殺松代藩佐久間修理于三條木屋街、○十四日、菽藩益田右衛門介亦至山崎、○有栖川宮及一條大炊御門久

我中山、庭田、日野等諸縉紳連書建白，請宥七卿及毛利宰相父子之罪，救萬民塗炭之苦。而如尹官及松平容保，則不肯之。却愆愆討萩藩，亂入之徒，十八日終決討伐之議，下令伏水嵯峨山崎屯集之萩藩。曰：其藩士等託言歎奏，携兵器于輦轂之下，遣永井主水正、戶川鋒三郎，雖說諭之，不肯奉命。加之國司信濃、益田右衛門介等，欲強奏朝廷，何無禮之甚乎！因發兵欲討伐，各所屯集兵，汝等體之。十九日夜三更，福原越後卒中村九郎兵衛、熊谷勇記、吉田岩雄、福原民之助、佐分利德三郎、穴戶久之進、出羽孫四郎、粟屋又助、桂勝三郎、上田熊之丞、粟屋三助、岡村熊七、村岡伊助等，以下五百餘人，發伏水至深州大垣藩，隊長小原仁兵衛、戶田金之丞等，與鯖江藩兵挾討之。福原越後蒙創，而一軍敗績。此時國司信濃、桂小五郎等亦發天龍寺，攻中立賣門一橋及鹿兒島、福岡等之兵，能禦不得入門。去追蛤門，擊破會津之兵。時鹿兒島藩隊長仁禮源之丞、松形清左衛門、橫擊大敗之。而萩藩那須俊平、伊東甲之助等攻堺。

町門、鹿兒島、會津、桑名等之兵、擊退之。此日越中守加藤明軌、讚岐守松平賴聰、隱岐守松平勝成、加賀守大久保忠禮、信濃守眞田幸教、主膳正本田正康、隼人正成、瀨正肥、中納言一橋慶喜、肥後守松平容保、及彦根、淀等各藩之兵、亦各衛大內、萩藩之兵、終敗績四散、猶恐潛匿、放火于市街寺院、探索之。○二十日、斬兩三條家人河村能登守、丹羽出羽守、福岡脫藩平野次郎、及和但暴舉之黨三十七人于獄中。○先是松平參河守、松平讚岐守、藤堂和泉守、松平相模守、松平內藏頭、松平土佐守、松平修理大夫、松平遠江守、小笠原幸松丸、松平能登守、小出伊勢守、柳生但馬守等之兵、衛淀江之兩岸、及浪華之各所。二十日、長洲之敗兵、發伏水至浪華、高松、尾崎、津山、之兵、各有斬獲云。○二十六日、幕府命仙臺盛岡、秋田各藩、同幕府兵、討筑波山賊。若年寄田沼玄蕃頭監軍、此日始發江戶。○三十日、命尾張前大納言、松平阿波守、松平讚岐守、松平美濃守、松平三河守、松平相模守、細川越中守、有馬中務太輔、松平備前守、

松平出羽守、松平隱岐守、立花飛彈守、松平肥前守、
龜井隱岐守、板倉周防守、小笠原大膳大夫、松平安
藝守、松平修理大夫、阿部主計頭、脇坂淡路守等討
防長兩國。○十月三日、幕府奏禱、松平大炊頭官爵、
五日賜死、以黨武田耕雲齋等也。十六日、水戶中納
言、亦誅其家人、大久保甚五左衛門等十餘人、穴戶
家人、菊池庄介等二十人。○十一月、武田耕雲齋等
脫筑波山、至京師、欲請攘夷之詔。二十一日、至信州、
其徒八百餘人、諏訪松本、高崎等兵、要擊之于和田
嶺、殺傷相當、賊徒轉路去。赴越後、金澤兵守福崎港、
賊徒不得通、出降之。○十二月、毛利大膳父子、斬益
田右衛門介、國司信濃、福原越後、三謀臣、獻首級於
尾張前大納言、以表伏罪之意。二十八日、令海陸諸
軍各解兵歸藩。慶應元年正月四日、總督尾張前大
納言、徹陣、是日發廣島。○二月、幕府命彦根小濱兩
藩、斬武田耕雲齋等八十餘人于越前敦賀。○防長
兩國餘燼將再燃、大將軍將親征之。○五月十四日、
與瑞西締條約。○十六日、大將軍發江戶、閏月二十

二日、至京師、入二條城、二十四日、發京師、二十五日、入浪華城、○八月二十九日、幕府令大阪市民、免上浚河金、○九月十五日、大將軍發大阪、翌日入京師、二十三日、發京師、即日入浪華城、○十月朔日、大將軍奏請讓征夷職于一橋中納言慶喜、二日、大將軍又發大阪入京師、○四日、勅許三港外國互市、○十一月七日、幕府令防長征討之諸藩、部署其所嚮、松平安藝守、松平近江守、并伊掃部頭、及兵部少輔、榊原式部太輔、松平三河守、松平兵部太輔、松平越前守、由藝州、而以松平備前守、脇坂淡路守、爲應援、阿部主計頭、松平右近將監、龜井隱岐守、由石州、而以松平出羽守、松平因幡守、爲應援、松平隱岐守、伊達遠江守、松平式部太輔、松平阿波守、松平讚岐守、由上關、而以奧平大膳大夫、松平壹岐守、爲應援、細川越中守、立花飛騨守、小笠原左京大夫、及近江守、及幸松丸、由下關、而以中川修理大夫、松平主殿頭、爲應援、松平修理大夫、有馬中務太輔、由萩城、○幕府監察、戶川鋒三郎、永井主水正等、在廣島、召毛利大

膳家人、宍戶備後介詰問大膳父子罪狀、抗辯不屈。
○二年五月、令毛利大膳削封十萬石、終身禁錮、而傳家于少子興丸、且戮去年暴舉之徒、逐他藩流寓之士、不奉命、因令諸軍、期六月五日、攻防長兩國、六月三日、征長總督紀伊中納言、駕火船發大阪、五日、至廣島。○七日、幕府及松山兵、攻防州大島、長州兵敗走、十五日、彦根高田兵、與長兵戰、湯見及玖波敗績、十六日、幕府松山兵、敗走、十九日、紀伊中納言兵、攻小野村、擊走長兵、二十五日、復擊走之。○七月三日、長兵攻內裏熊本、久留米、小倉等之兵、擊退之。○先是、拘留宍戶備後介于廣島、六月二十七日、老中松平伯耆守、專斷歸備後介于長州、紀伊中納言聞之大怒、上書幕府、辭總督、慰諭不允。○十三日、長兵攻石州濱田、福山兵、敗走、十八日、長兵又襲濱田城、城主松平右近將監、自火城而逃、二十六日、長兵襲小倉城、城主小笠原左京大夫、亦不能支、火城而逃。○八月二十日、大將軍從一位德川家茂薨、一橋中納言德川慶喜嗣之。○以大將軍薨、令防長征討諸

藩各解兵。○十二月五日、以一橋中納言德川慶喜、
叙正二位、任權大納言、爲征夷大將軍、飛鳥井中納
言、野宮中納言、就二條城拜之。○二十五日、天皇崩、
在位二十一年、改元者六、曰嘉永、安政、萬延、文久、元
治、慶應、皇太子立、是爲今上天皇。

先朝私記畢

明治九年六月七日版権免許
同 十一月刻成

著者

愛媛縣士族

赤松 渡

愛媛縣下讚岐國第四大區一小區
高松中新町二百十一番邸

同 平民

出版人

畠田 爲助



同縣下同國第四大區壹小區
高松丸龜甲三拾七番邸

